



Universitätsbibliothek Paderborn

**Angela De Fulginio, In Qvo Ostenditur Nobis vera via qua
possumus sequi vestigia nostri Redemptoris**

Angela <de Fulginio>

Parisiis, 1598

G. Chavdiere, Pio Lectori.

urn:nbn:de:hbz:466:1-43716

G. CHAVDIERE,
PIO LECTORI.

¶ Pusculum hoc deuotissimæ ma-
tris Angelæ de Eulginio non no-
num quidem ac recens, sed multa con-
sumptum vetustate cùm in manus in-
cidisset, dubitavi num in lucem satis a-
micè omnibus ac fæliciter veniret. Ve-
rebar enim quorumdam malevolentia
censuram, qui cuncta, nisi disertè
ornata sint, reuicere solent. Cùm tamen
veritas simplicitate, nō eloquentia ver-
borumque lenocinio gaudeat. Quamuis
igitur hic stilus inelegans, incomptus
et humilis nimium multis videatur:
Illum tamen corrigere aut mutare ne-
fas duxi, sed, ut est ab illa deuotissima
fæmina liber conscriptus, non alio quā
Spiritū sancto dictante, typis excudi
curauī ad veram consolationem ani-
marum piarum, omniumq; veilitatem.
et qui bonique consule, amice Lector,
medullamque potius edas quam in cor-
ticem impingas, velim.

d. ij

Argumentum Libri.

INcipit liber qui dicitur *Angela de Fulginio*, qui continet in se omnem processum per quem Dominus direxit gressus eius in viam pœnitentiae. Et primo initians eam per decem & octo passus seu gradus usque dum veniret in multas & magnas tribulationes & tentationes, quas pertulit in anima pariter & corpore. Et qualiter postea virtute diuina omnibus ab ea superatis, Dominus Deus noster dignatus est eam consolari multiplici consolatione, multis modis ipsam illustrando & illuminando per diuersas visiones & reuelationes quas ei ostendit. In quib⁹ dedit ei profundam cognitionē sui ipsius, & etiam ipsius Dei. Ostendens etiam ei futuris temporibus, multos eam habituram esse filios spirituales qui moribus & vita ipsam sequerentur. Et post hæc tractatur de doctrina & instructione huius sanctæ matris, in qua ostendit nobis veram viam qua possimus sequi vestigia nostri redemptoris. Quæ doctrina tota est excerpta & extracta ab illo libro vitæ intus & foris scripto, qui est Iesus Christus Dominus noster verus Deus & homo. Quæ omnia, ultra duas præfationes seu prologos, digesta sunt in septuaginta capitula, quæ sequuntur.